



Adresa: **Ul. Hamdije Čemerlića 39**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-192-2/26**

Datum: **18.05.2026. godine**

„Agencija za vodno područje rijeke Save“ Sarajevo (u daljem tekstu Agencija), rješavajući po zahtjevu Agencije podnesenom putem „Sektora za realizaciju projekata“ za izdavanje vodne saglasnosti za uređenje korita rijeke Vrbas u MZ Vrbanja, općina Bugojno, na osnovu člana 109. stav (1) tačka 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) donosi

### **RJEŠENJE** **o vodnoj saglasnosti**

1. Investitoru, „Agenciji za vodno područje rijeke Save“ Sarajevo daje se vodna saglasnost za uređenje korita rijeke Vrbas u MZ Vrbanja, na lokalitetu Kućice – ušće Okašnice, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije:
  - *Glavni projekat: „Uređenje korita rijeke Vrbas u Bugojnu na 9 lokacija ukupne dužine 16,2 km“, općina Bugojno“, urađen od strane „Higracon“ d.o.o. Sarajevo, septembar 2019. godine.*
- Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i Zakonom o građenju Srednjobosanskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
  - 3.1. Sve radove na uređenju korita rijeke Vrbas u MZ Vrbanja, na lokalitetu Kućice – ušće Okašnice, u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
  - 3.2. Korisnik vodne saglasnosti je u obavezi da u skladu sa propisima iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
  - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubinom iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
  - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
  - 3.5. U toku izvođenja predmetnih radova, iskopani materijal i nastali otpad ne smije se ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
  - 3.6. U toku izvođenja radova, neophodno je poduzeti sve potrebne mjere zaštite da usljed predmetnih aktivnosti ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
  - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
  - 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu Kućice – ušće Okašnice neophodno je radni pojas koji uključuje korito, inundacioni pojas i obalu rijeke Vrbas urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 05-23-00147-20 izdatog dana 20.03.2020. godine, kao i Rješenja o produženju važnosti urbanističke saglasnosti broj: 05-23-00147-20 od 23.02.2026. godine izdatih od strane Službe za urbanizam, građenje, geodetsko – katastarske i imovinsko pravne poslove općine Bugojno.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se izvoditi radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju korita rijeke Vrbas u MZ Vrbanja, na lokalitetu Kućice – ušće Okašnice ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obale rijeke Vrbas ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Sportsko – ribolovno društvo „Bugojno“ - Bugojno, koje je korisnik ribolovnog prava na ovom ribolovnom području, o početku izvođenja radova u koritu rijeke Vrbas na predmetnoj lokaciji Kućice – ušće Okašnice.
8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na uređenju korita rijeke Vrbas na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Bugojno riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. Ova vodna saglasnost prestaje važiti istekom roka od dvije godine od dana pravosnažnosti rješenja ukoliko u tom roku ne bude pribavljeno odobrenje za građenje i započeti radovi na uređenju korita rijeke Vrbas u skladu sa tehničkom dokumentacijom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

## **O b r a z l o ž e n j e**

Investitor, „Agencija za vodno područje rijeke Save“ Sarajevo, putem „Sektora za realizaciju projekata“ Agencije, podnio je zahtjev za uređenje korita rijeke Vrbas u MZ Vrbanja, na lokalitetu Kućice – ušće Okašnice, općina Bugojno, a u cilju poboljšanja uslova tečenja i sprječavanja štetnog djelovanja voda na osnovu tehničke dokumentacije: Glavni projekat „Uređenje korita rijeke Vrbas u Bugojnu na 9 lokacija ukupne dužine 16,2 km“, općina Bugojno“, urađen od strane „Higracon“ d.o.o. Sarajevo, septembar 2019. godine, a u postupku izdavanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Rješenja o izmjenama podataka broj: 065-0-RegZ-25-003258 izdatog dana 13.08.2025. godine od strane Općinskog suda u Sarajevu,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o urbanističkoj saglasnosti broj: 05-23-00147-20 izdatog dana 20.03.2020. godine od strane Službe za urbanizam, građenje, geodetsko – katastarske i imovinsko pravne poslove općine Bugojno,
- Kopija Rješenja o produženju urbanističke saglasnosti broj: 05-23-00147-20 izdatog dana 23.02.2026. godine od strane Službe za urbanizam, građenje, geodetsko – katastarske i imovinsko pravne poslove općine Bugojno,
- Kopija Saglasnosti za uređenje korita rijeke Vrbas broj: 15/08/23 izdata od strane Sportsko – ribolovnog društva „Bugojno“ – Bugojno,
- Kopija Izjave o riješenim imovinsko – pravnim odnosima u vezi sa projektom uređenja korita rijeke Vrbas broj: 06-21-1-02607-25 izdatog dana 12.02.2026. godine od strane Općinskog načelnika Bugojno,
- Glavni projekat: „Uređenje korita rijeke Vrbas u Bugojnu na 9 lokacija ukupne dužine 16,2 km“, općina Bugojno“, urađen od strane „Higracon“ d.o.o. Sarajevo, septembar 2019. godine.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju korita rijeke Vrbas u MZ Vrbanja, na lokalitetu Kućice – ušće Okašnice, općina Bugojno, izrađena je projektna dokumentacija: *Glavni projekat: „Uređenje korita rijeke Vrbas u Bugojnu na 9 lokacija ukupne dužine 16,2 km“, općina Bugojno“, urađen od strane „Higracon“ d.o.o. Sarajevo, septembar 2019. godine.*

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/25-1-40-021-3/20 donesenom dana 06.02.2026. godine od strane ove Agencije, a za aktivnost na uređenju korita rijeke Vrbas u MZ Vrbanja, na lokalitetu Kućice – ušće Okašnice, u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje korita rijeke Vrbas u MZ Vrbanja, na lokalitetu Kućice – ušće Okašnice, u ukupnoj dužini od oko 770 m, izdala je Služba za urbanizam, građenje, geodetsko – katastarske i imovinsko pravne poslove općine Bugojno. Podnosilac zahtjeva je dostavio Izjavu u kojoj se tvrdi da su riješeni imovinsko – pravni odnosi na predmetnoj dionici, kao i da se istoj može nesmetano pristupiti.

U tehničkoj dokumentaciji su priloženi opisi i nacrti uobičajeni za ovaj nivo dokumentacije - situativni prikazi projektnog rješenja Mj. 1:2500 i 1 : 10000; uzdužni profili Mj. 1:100/1000; poprečni profili u mjerilu Mj. 1:100.

U sklopu Glavnog projekta, koji je usvojen od strane Sektora za realizaciju projekata, obrađeno je rješenje uređenja korita i stabilizacija obala na mjestima konkavnih krivina rijeke Vrbas, u ukupnoj dužini cca 16,2 km. Za predmetni lokalitet – označeno kao „lokacija 4“ usvojen je normalni profil obostranog oblaganja obale. Predviđena je zaštita obala korita, oblogom od lomljenog kamena u nagibu 1:1,5, granulacijom kamene obloge  $d_{sr}=30\text{cm}$ . Na predmetnoj dionici postoje dva ušća potoka, čije uređenje ušća je obrađeno projektnom dokumentacijom. Na predmetnoj dionici uređenja korita rijeke Vrbas obezbjeđuje se stabilizacija obale u cilju zaštite obale od erozije, kao i čišćenje korita od naplavina u cilju poboljšanja hidromorfoloških karakteristika korita. Rang zaštite od velikih voda nije definiran i cilj ovih zahvata je stabilizacija erodabilnih obala i smanjenje opasnosti od poplava okolnog područja.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 60 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Munir Trako, dipl.ing.građ.

Prilog:

- Glavni projekat: „Uređenje korita rijeke Vrbas u Bugojnu na 9 lokacija ukupne dužine 16,2 km“, općina Bugojno“, urađen od strane „Higracon“ d.o.o. Sarajevo, septembar 2019. godine.

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- „Agencija za vodno područje rijeke Save“, Sektor 30 (Prilog),
- AVP Sava, ISV - vodna knjiga,
- Sektor 40 – arhiva,
- Oglasna ploča AVP Sava.